



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**Name of School** : KWUN TONG GOVERNMENT SECONDARY SCHOOL

**学校名称** : 观塘官立中学

**Name of Play 剧名** : 情缘

**Script writer 剧作者** : 梁颖珊 (学生)

**Synopsis 故事大纲 :**

月老一边绑红线一边说：「爱情是命中注定的。」

红娘牵着数条红线说道：「爱情是靠努力争取的。」

两人不同的爱情观影响了他们的徒弟 — 情和缘。

在意外遗失红线后，情和缘来到凡间，在三个凡人的感情纠结中牵起波涛。

甚么是爱情呢？谁又是对的人呢？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

## 第一场

### 意外的开始

(月老和缘 preset 于台左，红娘和情 preset 于台右)

(月老拿着红线整理，缘拿着姻缘簿跟着师父)

月老 啊缘，我地今日要帮几多对情侣绑红线啊？

缘 (看姻缘簿) 师父，系 22 对啊。今日仲少过前几日啲

月老 宁缺毋滥啊！我地帮人绑红线呢种命定嘅姻缘，通常无法改变嘅，所以唔错得架。所谓「百世修得同船渡，千世修得共枕眠」，命中注定嘅姻缘讲紧嘅系世间嘅因果，今世嘅果系因为上世嘅因。红娘成日话爱情讲嘅系人今世嘅付出同努力，但系咁样得黎嘅爱情边到长久啊，绑上凡人度嘅红线好快就断。唉，唔讲佢啦，你啊，有无练习过红线嘅绑法架？识得点睇姻缘簿未啊？

缘 师父，月老宫嘅打扫、煮饭同接待客人都系我做紧，我有多两倍时间都唔够用啊.....

月老 (没听到) 你话咩话？

缘 无啊无啊！我话我已经用晒我有嘅时间去练习架啦师父，我好专心听你讲野架！

月老 系就好啦。(将手上的红线递给缘) 黎啦，将呢卷红线整翻顺佢，等我睇下你嘅练习成果啦。

缘 师父.....你系特登整乱佢俾我练习，而唔系自己整乱左唔识解翻先叫我.....

月老 当然系前者啦！你整翻好就放好佢啊，好重要架，唔见左唯你是问。

(缘接红线)

(月老和缘台左下)

红娘 阿情，你听住，牵红线系样好神圣嘅工作。凡人系红娘庙求嘅通常都离不开三样野：遇到爱、得到爱、仲有就系长久咁拥有爱。我地嘅存在就系帮人搵到爱情。

情 点样可以帮人搵到爱情啊？帮佢地制造机会？

红娘 无错啦。(将红线给情拿着) 帮我揸住先。月老嗰个阿伯成日话命定嘅姻缘、命定嘅姻缘，但凡人又点知边个系佢咁命中注定嘅人啊，命定姻缘系唔会无故降临架。如果真系遇到中意嘅，就要去追求。我哋牵红线嘅最主要就系呢类。当然啦，我地牵红线都唔够，因为遇到爱情之后就睇凡人自己嘅造化啦。

情 咁其实有无命定嘅姻缘都无咩所谓啦，只要我哋可以令凡人改变自己，愿意自己追寻爱情就得啦！师父，你呢套有道理过月老啲。好彩我跟嘅系你啫。

红娘 系你把口最甜啦。喲，你呢几日睇翻师父以前牵红线嘅 case，迟啲我就俾啲 situation 你，睇下你会点做。等你 theory 得左，我先会俾红线你，我地再真正试下牵红线。

情 师父.....点解你突然弹啲英文出黎嘅.....

红娘 迟啲我要同丘比特做学术交流啊，梗系要学翻啲英文俾下身啦。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

情 但都未决定你同月老边个去咩？如果系月老去左.....

红娘 Impossible! 年年都系嗰个阿伯去，今年我啲业绩同佢叮当马头，仲唔系轮到我？

情 咁真系好难讲.....

红娘 你话咩话？（情作噤声状）我今年一定会去到嘅。你啊，顾掂你自己先啦，快啲温习，我迟啲就黎考下你。仲有啊，顺便将每个案例嘅 data 入落个 computer 度，记住啊。

（红娘台右下）

情 咁都叫顺便？（情手里拿着红线）哎呀，师父不记得左——

（情突然灵机一触，四周环顾，发现没人，偷偷拿走红线，台右下）

（缘至台中，研究姻缘簿）

（情台右上）

情 阴功嘍，你仲系度刨紧本姻缘簿啊

缘 你咪又要睇案例，讲到自己好似好巴闭咁。（看到情手上的红线）你点解会有架？（想抢红线，被情避开）

情 讲还讲，唔好郁手。红线.....咪师父俾我架嘍。

缘 无可能，师父明明话我地至少要几年后先可以真正用红线，你师父又点会俾你啊？

情 你师父系咁讲啫，唔代表我师父。我师父觉得我有能力，咪将红线俾我嘍，你恨唔黎架啦，羡慕呢。

缘 羡慕你个头啊！你肯定系偷偷地攞出黎嘅，快啲摆翻原位啦，唔见左好大件事架！

情 我先唔要，我攞住有咩问题嘞。

缘 你唔肯放就等我黎，俾我啦！

情 你行开啦！

（情和缘争执，红线在争执间跌落凡间）

情 啊！

缘 红线跌左落凡间啊，点算啊？

情 最衰都系你！唔系你黎抢又点会咁嘞。

缘 你都恶人先告状嘅！唔系你私自将红线带出黎，我都唔会因为想将红线放翻好而抢啦。

情 我有错，你都一样！我唔理啊，你要同我搵翻卷红线翻黎啊！

缘 嘈都无用，我地快啲落凡间睇下啦，搵唔翻你就大锅！

情 我一定同师父讲系因为你，红线先唔见！

缘 关我咩事嘞，系你唔知点同你师父交代咋。

（二人吵闹台中下）

## 第二场 威逼



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(公园)

(Sofia 在看手机，走向长凳。长凳上有一卷红线)

S Daniel 打篮球嘅样真系好型啊！啊系喎，睇下我 po 嘅个张相先。都已经成十分钟啦，点解张相咁少 like 架？等我睇下边个无 like 先，下次佢地 po 相唔驶旨意我 like。

(Sofia 坐到长凳上，坐到红线)

S 哎呀！痴线架，边鬼个摆啲垃圾系度啊？

(Sofia 随手将红线扔到地上)

(情和缘台右上，二人周围找红线)

情 点解无架，红线应该就系跌左系呢附近.....

缘 你系咪搞错左啊，我地就黎掘地三尺，都系搵唔到。

情 咦，个边有个凡人，等我去问下先。

缘 喂！我地唔可以随便系凡人面前现身架！

(情走近 Sofia)

情 凡——咳，呢位小姐，我地唔见左样野，想问你冇见过

S 哇！你地做咩着成咁架？Cosplay 啊？

情 你唔好理我地着咩啦，你有无见过一卷红线啊，咁长、咁粗左右嘅。

S 哦！原来系你地！哼，我有见过啊。

情 原来真系系度！咁依家卷红线系边啊？

S (捡起红线) 咪系度嘍。

(情想拿过红线，Sofia 避开)

情 你做咩啊？俾翻我！

缘 小姐，呢卷红线对我地黎讲好重要架，请你俾翻我地啦！

S 好重要？呢卷咁嘅烂鬼野有咩用啊？

情 梗系有用啦，呢卷红线可以令你同中意嘅人系埋一齐架。

S 下？

情 我系红娘嘅徒弟，个边个只野系月老嘅徒弟，红娘同月老都系掌管姻缘爱情嘅神仙。

呢卷红线系一头一尾绑住两个人，咁佢哋就可以得到一段美好嘅爱情啦。

缘 红线乱用嘅话会错配姻缘，好危险架，你快啲俾翻我哋啦。

S 你话你系神仙嘅徒弟我就信架啦？有病就去看医生啦。

(情施了个法术)

(Daniel 台右上)

D 自从你出现，我先知道原来中意一个人嘅感觉系咁美好，曾经迷惘嘅心，系你带我走出寂寞。无论天涯海角，只要你需要我，我就会飞翻你身边。

情 啱啱嘅系爱情魔法，可以俾你见到你想见嘅人，咁你依家信啦？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

S .....你呢啲催眠术黎嘅啫，我发梦够会梦到佢啦。（突然想到什么）如果呢卷野真系咁重要，我就更加唔会俾翻你啦。

缘 喂，你——

S 我又唔系咁唔讲道理嘅，如果你哋帮我得到爱情，我咪俾翻你哋啰。

情 好简单啫。好啊，咁你依家有无中意嘅人啊？

S 梗系有啦，我嘅新目标就系——Daniel。

(Sofia、情和缘台右下)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

### 第三场 命中注定

(篮球场)

(Emily 在看台上温习)

(Daniel 打完篮球，台右上，走近 Emily)

D 喂，你有无睇到我最尾个下三分波，真系超靚。

E 睇本数学书好过睇你。

D 有无搞错啊，叫你黎睇我打波，你又系度温书。

E 唔系你话想去自修室之前黎放松下，我都唔会黎。

D 系啦，你最好啦。成日都咁恶，点会有男仔中意你啊。

E 无仲好，唔驶咁多野烦。快啲执野啦，成日晒我啲时间，请我食几多餐饭都唔够啊。

D 喂，我都有帮你补中文架，唔系你以为你上次文言文测验点解咁高分。

E 得啦得啦，我哋快啲走啦，已经无咩时间啦，一阵我要翻屋企食饭。

D 咦，今日伯母系屋企煮饭啊？我又要去！

E 你中意啦，我同阿妈讲声啦。

(Emily 拿出电话站起来，台左下。Daniel 慢一步起来，看 Emily 走，见她没有理会自己，跟着她台左下)

(Sofia、情和缘台右上)

S 就系佢啦，佢叫 Daniel 啊。

缘 佢隔离嘅女仔系边个啊？

S 哦，佢叫 Emily，成日都痴住 Daniel，都唔知做咩。我已经暗示左 Daniel 好几次啦，佢都完全唔当一回事。之前都有好多男仔中意我架，系唔知点解，佢完全对我无感觉。

缘 (小声) 可能人哋真系唔中意你呢。

(情捂住缘的嘴)

S 你啱啱话咩话？

情 无啊无啊，佢条脷抽筋啫。

S 我唔理，我中意嘅野就一定要攞到手。我一定要令 Daniel 爱上我。

情 嗯，咁我哋没办法将真系无嘅野变左有嘅。如果你真系想有一段爱情嘅话，都系要靠你嘅努力。

S 下？靠我自己努力得嘅话我驶咩要你哋啊？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

缘 唔通你想不劳而获啊？

情 可能你努力嘅方向唔啱啫。你依家翻去先，我哋去做情报收集，等我哋了解下 Daniel，咁咪知道你应该点做先可以令佢中意你嘍。

S 好，我就信你哋一次，唔好不记得卷红线仲系我手上。

(Sofia 台左下)

缘 咁嘅人你都帮得落手？

情 唔系我哋可以点啲？卷红线又系佢手上面，唔通你有更好嘅方法啊？

缘 但系我哋系唔会帮到佢架，啱啱我睇过姻缘簿，Danie 同 Sofia 都唔系命定嘅情侣。

情 你师父无同你讲过咩？爱情唔系净系姻缘簿上面有，有时候两个人有强烈嘅爱意，咁我师父就会帮佢哋牵红线。

缘 但系呢种红线真正可以维系到一世嘅好少呢。

情 咁依家嘅人寻找爱情都唔在乎天长地久，而系在乎曾经拥有啫。

缘 咁样都可以叫爱嘅？系一时嘅冲动咋。

情 你中意点谗就点谗啦，但系我哋依家当务之急就系攞翻红线，就算无可能都要变成有可能。

(情台右下，缘担忧地看了看天上，跟着台右下)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

## 第四场 徒劳无功

(Daniel 台左上，在课室做功课。Sofia 拿着数学功课台左上，至台中。情台右上)

(A 区灯亮)

情 Plan A! Daniel 嘅数学好差架，只要你教佢做数，你哋咪容易有话题，等你哋熟啲，佢了解多啲你啰，仲惊佢唔爱上你咩。

S 我数学都好渣架咋，好彩有男仔见我唔识做帮我做晒啫。(走近 Daniel) Daniel! 你有题目唔识做啊？我已经做晒啦，等我俾你抄啦。

D 下？我唔想抄啫，你识嘅话不如直接教我啊，我想明左点解先。

S 呃……但系……

(Emily 台左上)

D Emily! 我又有唔识架题啦!

E 你咁蠢架啦你，又有唔识嘅。我睇下先……噏，呢度要加埋佢……

(Sofia 感到丢脸，愤然台右下)

(Daniel 到台中。Emily 坐课室椅子)

情 哎呀，Plan A 失败左，唔紧要，我哋有 Plan B! (走到台右)

(缘台左上)

(Sofia 台右上)

(B 区灯亮)

缘 Plan B: 一齐食饭咪可以增进感情啰。你同 Daniel 唔同班，平时好少见面，趁食饭嘅时候同佢倾下计，都算系加深佢对你嘅印象嘅。

(Sofia 听了缘的话觉得很有道理，飞奔到台中)

S Daniel! 我哋一齐食 lunch 好无啊?

D 唔好意思啊，我今日已经约左人食。

S 约左边个啊？系咪男仔 friend? 我可以 join 你哋啫。

D 唔系啊……

(Emily 走到台中)

E 我行得啦——呃，佢系?

D 隔离班嘅同学。

S 都系 Daniel 嘅朋友。你介唔介意我今日同你哋一齐食啊？(头转向观众小声说) 最好你介意，唔好跟住黎。

E (看 Daniel) 唔介意，我哋一齐食啦。

S 太好啦，你真系好好人啊。不如我哋去食新开嘅嗰间海鲜粥铺啊，新开张我都未食过。

E 呃……但系 Daniel 对海鲜过敏，唔食得啫。





**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

S 下?

D 系啊，我海鲜过敏，而且唔系好中意食粥。我有啲 friend 今日会去嗰度食，不如你同佢哋一齐去啦。

(Daniel 拉着 Emily 台右下，Sofia 不甘心地台左下)

缘 都话 Plan B 唔得架啦。依家得翻 Plan C 咋。

(Daniel 台右上，Sofia 台左上至台中)

(情走到台中)

情 Plan A 同 Plan B 都失败左……唔紧要！Plan C 一定掂！计划名就叫做：一起来看流星雨！系一个漆黑嘅夜晚，两个人肩并肩坐系草地上，抬头见到一片浩瀚嘅星海，在互相对望下，就发现对方嘅眼中倒映住美丽嘅流星。咁都唔得嘅话我就食左我只手！

(Sofia 跑向 Daniel)

S 哇！啲星星真系好靚啊！

D 嗯。(心不在焉地摸着电话)

S 做咩啊？又系你话可以陪我黎睇流星，你咁唔专心嘅。

D 系 Emily 叫我黎架，佢话你一个女仔夜嘛嘛上山唔安全，叫我黎陪你。

S 原来系咁……

(Daniel 台右下)

(Sofia 走到台中捉住情的肩摇晃)

S 又话两个人睇星星就可以增进感情！你同我食左你只手佢啊！佢琴日开口埋口都系 Emily、Emily！

缘 (拉开 Sofia) 咁就证明你哋之间无缘分，系没办法系埋一齐架！

情 你唔好听佢讲，你冷静啲先，我总有方法可以帮到你。系啱！我哋可以你佢哋两个牵红线——

缘 (将情拉开，小声说) 都话佢哋唔系命中注定嘅情侣，我哋做咩都无用架。一阵唔得，又会激翻佢。

S 你哋根本都帮我唔到，究竟你哋系咪真系可以令人有爱情架？我真系傻，竟然真系信你哋呢啲骗子。

(Sofia 台左下)

(情和缘对望)

(情和缘台右下)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

## 第五场 历练

（月老台左上，红娘台右上，二人分别在找自己的徒弟）

月老 唉，啊缘究竟去左边啊？啲衫堆左系度又无洗……啊，唔系，应该话我系时候又黎考下佢嘅练习成果，之后再叫佢做野啦。

红娘 啊情又走左去边度偷懒啊？叫佢睇啲啲书佢完全无郁过，叫佢入嘅 data 又无晒声气，真系离晒大谱！

（二人找徒弟期间在台中相遇）

红娘 月老？点解你系度架？

月老 红娘？你可以系度我都可以系度架。

红娘 平时都唔见你出门口，今日咁有闲情逸致出黎行啊？做咩啊？凡间嘅香火唔够，要你亲自下凡啊？都话你净系绑啲啲咁少嘅红线，会 lose 好多信仰架。

月老 真系要你费心啦，月老殿嘅香火都仲够嘅，我就重质不重量嘅。我系担心你咋，香火多系多啦，不过夹杂住啲劣质货，多都无用。好男就不与女斗，先行一步啦，我仲要去搵我个徒弟。

红娘 你又系搵你个徒弟？

月老 又？做咩啊？你个徒弟都唔见人影？

红娘 唉，唔好提啦，今朝俾左啲野佢做，转个头就唔见左个人，依家到下昼都仲未出现。十成十又系俾你个徒弟勾左去，玩到唔知时候翻黎啦。

（情和缘台左上）

月老 你讲得咁难听架，系佢哋两个感情好啫。

（二人同时打喷嚏）

情 大镬啦，系咪师父发现红线唔见左，提起我啊？

缘 实系师父发现我仲未洗衫……都系你啦，一阵师父以为我偷懒啊。

情 依家点算好啊，咁样落去我哋要点攞翻卷红线啊？

红娘 系喎，你俾左你个徒弟睇真正嘅红线未啊？

月老 未啊，不记得左添。

红娘 我睇你唔系不记得，系专登嘅。

月老 唔好话我睇死你，你应该都未同你个徒弟讲真相啦。

情 有啦！我哋去——攞翻翻黎！

缘 讲就容易，点攞啊……（看情的嘴型）你系话——偷？唔得架，我哋依家系私自下凡，之前你系 Sofia 面前施嘅小法术已经系极限啦，偷野要用更难嘅法术，天庭嘅人知道左，我哋系要受到处罚架。

情 咁你话点算嘍。

缘 我点知喎。就算真系绑红线，都系两情相悦先有用。Daniel 同 Sofia……唉。

情 我哋仲可以点啊！

（情和缘台左下）



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

红娘 (施法术找情和缘) 搵到啦，咦？佢哋走左落凡间嘅？  
月老 (掐指一算) 无野嘅，呢个系佢哋第一个历练。  
红娘 嗯——你够唔够胆同我打个赌？  
月老 惊你啊，你想赌咩先？  
红娘 佢哋历练嘅时候遇到一个叫 Daniel 嘅男仔，佢本身有命定姻缘，但系我系佢同另一个女仔之间绑左条线，我哋就赌，红线会系佢哋、而唔系命定嘅情侣之间产生。我哋就攞同丘比特做学术交流嘅名额黎做赌注。  
月老 咁睇黎今年都系我去架啦，因为你一定会输。命定姻缘唔系咁易改变。  
红娘 咁又唔一定。你啲谗法真系 out 得无得再 out，爱情系可以靠人争取翻黎架。我哋睇下就知。  
(月老和红娘台中下)  
(Sofia 拿着红线台左上) (spotlight on 照 Sofia)  
S 红线……  
(Sofia 想到了什么，转身台左下)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

## 第六场 解执着

(Sofia 站台中)

(Daniel 台右上)

D 你搵我咩事啊？

S 你中唔中意我啊？

D 下？

S 你答我先啊。

(Daniel 摇头)

S 我都未试过有男仔完全对我无兴趣嘅，一系你系挛嘅，一系你有中意嘅人。你系同 Emily 拍紧拖哩。

D 你啲逻辑都几搞笑㗎。我唔系同佢拍紧拖啊……佢当我朋友咋。

S 咁姐你唔系当佢朋友，而系中意人啲啦。

(Daniel 沉默)

S 嗰个咁嘅 Emily 有咩咁好㗎，佢又无我咁靚，又唔识得打扮，又唔系话性格开朗活泼，我有边度比唔上佢㗎？

D 可能系你眼中佢完全比唔上你，但系我眼中，佢就系最好嘅！

S 你究竟中意佢啲咩啊？

D 我……我都唔知。

S 唔知？你咁都叫中意佢？

D 我唔知啊……系，有时候佢系好恶，又成日打我。但系佢会记住我中意同唔中意食嘅野。会记住我想要嘅野，生日嘅时候送俾我。明明同佢识左咁耐，佢个样我应该都睇到厌啦，但系有时出街又会觉得佢好靚……

S 得啦我唔想听啦！既然你咁中意佢，仲咩唔去追佢啊？

D ……但系佢唔中意我呢。我唔想佢难做。

S 驶咩谗咁多啊，爱情可以维系嘅日子都系好短㗎，就好似我父母咁……我就同你唔同啦，我有中意嘅就要得到先，以后嘅野以后再算啦。

(Sofia 拿出红线，想绑到 Daniel 手上)

D 你做咩啊！

(Sofia 成功将红线绑到 Daniel 手上，但没有事发生)

D 呢个咩黎架？红色嘅线？

S 你有无觉得有咩唔同左？

D 无啊。

S ……我真系傻，竟然真系信佢咁讲嘅野。我都系想你可以中意我㗎，有咩难咩……



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

- D .....你根本唔系真系中意我，我只系你嘅一个执着，真正嘅爱情唔系咁架。（拆掉红线）
- S 爱情唔系应该去争取嘅咩？我依家都系争取紧啊。拍拖只要开心就得啦，唔开心嘅咪分手嘍。
- D .....你真系咁觉得咩？（向台右走）
- S 我真系中意你，我唔会咁容易放弃架！（Sofia 拆掉红线，扔到地下）可能我唔知爱情系咩，但至少佢唔系一样我会咁容易放弃嘅野。总有一日你会接受我。
- D 唔会架，因为我都唔系咁容易放弃我嘅爱情。
- （Daniel 台右下。Sofia 踌躇一阵，跟着他台右下）
- （情和缘台左上，想将红线偷回）
- 缘 你唔好推我。
- 情 你快啲出去啦！
- 缘 哎呀！
- （两人跌出台，发现地上的红线）
- 缘 咦？红线？（拿起红线）
- 情 系红线啊！（抢过红线）有仙气嘅，系真架！真系得来全不费功夫！
- 缘 但系点解会系度架？
- 情 理得佢啦，搵得翻就得啦！
- （情台左下，缘也疑惑地跟着下）
- （灯暗）



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

## 第七场 千里姻缘一线牵

(课室)

(Emily 台右上，正在等 Daniel)

(Daniel 台右上)

E 去搵老师搵咁耐嘅?

D 呃——系啊，系嘍，陈 sir 真系好多野讲。我哋快啲走啦。

E 好，翻去之前我想去买雪糕食啊。

D 你黎紧 M 架，食咩冻野啊。我哋去买姜糖冲俾你饮就得。(背对 Emily 收拾书包)  
你睇下我几关心你啦，你第时拍拖要搵翻个好似我咁好嘅男朋友。

E 你咁嘍嗦，先唔要搵你呢种。

(Emily 看着 Daniel 的背影，伸手像是想触碰他)

(月老和情台左上，红娘和缘台右上)

缘&情 咩话！原来个卷红线系假架！

月老 梗系假架啦，你哋都唔专心学习嘅。

缘 师父，系你无讲过啊！

月老 无咩？咁我依家同你讲清楚啦，真正嘅红线系我哋绑落凡人度嘅时候系透明嘅，佢之所以会变成红色，系因为两个人长年累月嘅爱意会将线染成红色，个时嘅红线你先可以用肉眼睇度。之前啲啲红色嘅线系俾你哋练习用架咋。

缘 原来系咁……(看 Emily 和 Daniel) 啊！系咪佢哋身上面个条浅红色嘅线啊？

月老 无错啦，呢条命定姻缘嘅红线终于都见到少少啦。呢个赌注系我赢左啦——

缘 呃，师父啊，但系姻缘簿上佢两个个名唔系一齐架嘞。

月老 下？佢哋唔系命定嘅伴侣？

情 师父，点解 Daniel 唔中意 Sofia 架？唔同真系得命定姻缘先系真正嘅爱情咩？

红娘 你都傻嘅，你望清楚啲。

情 咩啊，我望得好清楚，系得 Emily 同 Daniel 之间有红线啊。

红娘 无错啦，就系个条红线，系你师父我绑架。

情 下！姐系 Emily 同 Daniel 系师父你……但点解你唔将线绑系 Sofia 同 Daniel 身上啊？

红娘 我哋绑线都需要讲技巧嘅，有可能一齐嘅人先会绑埋一齐。我一开始就唔觉得 Sofia 可以同



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Daniel 系一齐，因为佢哋对爱情嘅谗法差太多啦。月老仲傻下傻下以为 Emily 同 Daniel 系命定嘅情侣，哼，如果唔系我哋制造啲契机俾佢哋，佢哋都唔会开窍。今次系我赢左啦，系我做代表去学术交流啊。阿情，做得好啊。

情：下？我做左啲咩啊？

红娘 你迟早会知架啦。阿情，其实我哋已经帮凡人牵左好几条睇唔到嘅线，只系睇下凡人发唔发现到。

（Daniel 拿起书包转身，Emily 放下手，二人对视，一起向台后走去）

（Sofia 冲出来，看见二人背影，明白了甚么似的，然后离去）

<全剧终>